

1 TIMOTÉO

Tujkénú Timotéo éllevu Páávoru cáátúnuháámi

Duurúvaju

¹ Oo Páávoru o íjcyáábekée Mépájtyetétsoobe Píívyéébe picyóó Jetsocríjtodítýú íjcyáné uwááboju úwááboobéré o péhíjcyaki.

² Aabe íhyaami diéllevu ó caatúnú ópée o úwáábóneri Píívyéébeke u cáhcújtsónéllii ávyeta tájtsiménédú uke o íjtsúcunúúbé Timotéo éllevu. Aane ihdyu óvíi meke íídaatsóllédú íjcyamútsí Máavyéjuube Jetsocríjtoma uke píaabó íbúwajíí u íjcyaki.

Átééréne uwáábotu Páávoru teíbúwajtsóne

³⁻⁴ Muuráhjáa Matsedóóniá iínújvu o péébe uke ó neínú Éépetsóvú u cóéváne tétsii átéérénehjí íhdé múnáaúvúu ícyahíjcyanéhjí úwáábohíjcyámeke u bóíjcyu ditye teene iúwaabójúcoótuki. Muurá bañúháñé ténéhjiríyé meíjcyame tsá meméénúityuró Píívyéébéé tsíjtyeke ímiáájuvu mewáájácútsóíñévú meke níwaavéne.

⁵ Áánéllii uke o nées diityéké u úwáábo ííne íjtsaméí ííbuúneri íjcyájúcootúme tsaímíyé Píívyéébeke icyáhcújtsóne iwájýúcatsí muhdú ímiááné mewájýúcatsíhdyu.

6 Ehdu ijcyaiyótsihvu tsaate íinetú diityéké píáábóityúnéhjiriyé ityáhjájcatsíñe tsá tehdu íjcyatúne.

7 Aame muurá imíllerá Píivyéébé taúhbájú uwáábojte ijcyane. Áronáa tsá ditye wáájácutú ínéllihyéhjáa ímichi meke téenevu dibye ájcune. Úwáábohíjcyámé íevenéré iwáájácutúne.

8 Muurá ínéllihyéhjáa meke dibye téenevu ájcune mewáájácúhajchíí tehdújuco teéne.

9 Tsá teene taúhbaju tsaímíyé íjcyámé wáábyuta íjcyatúne. Muurá ihdyu meúwaabóné cáhcújtsoúmé ímítyunéhjí méénuhíjcyámé wáábyuta teéne. Píivyéébeke áveyjúúletúmé dsíjívétso múnaa, cáánímuke, tsíjúmuke, dsíjívétsohíjcyámé wáábyuta teéne.

10 Áhdure ihdícyáméhjima idyómácójcatsíñe, tsamééré wajpíímú walléémú dómácócatsíhíjcyámé wáábyuta teéne. Míamúnáadívú náhjihénuhíjcyáme, állíu múnaa, pánehjídú imyéénúityúné íhjúvahíjcyáme, ímiá uwááboju íllure éhdíivállehíjcyáme, éhdúmé wáábyuta teéne.

11 Áané uwááboju muurá íñe ímiáájú pajtyéteju úwááboobéré ó pehíjcyá Píivyéébé oke níwaavéne.

Páávoró duurúvá Píivyéébe díbyedi idáátsovéne

12 Áánéllí mityane ó téhdujtsó Máavyéjuube Jetsocríjtoke ávyetáa múhdurá o nééróóbeke oke téenevu ipícyóóbeke dibye tsípátsohíjcyánéllíhye.

13 Díbyedí o úúhívaténe díbyé cahcújtso múnáadi o ícúbáhrahíjcyáróóbeke oke téenevu

pícyoóbe. Áronáacáa ihdyu táwaajácútubáané ehdu ó dáríívemeíhijcyá dííbyekéikyée o wáajácútúnéllíhye. Áróóbedíi ihdyu Píívyéébe óhdi ídáátsovéhi.

14 Aabe oke mítyane píáábóneri íñe Críjtoke o cáhcújtsóóbedívú o cátsípáávéne botsíi pamévakeré ó wajyúhi.

15 Áánéllii ó iyyácunúhijcyá pámeere dííbyeke cáhcújtsóíyóneri. Muuráhjáa ímiááné mewáyyuri tsaabe ííñujívú ímityúmé meíjcyámeke ípájtyetésoki. Aanéhjáa muurá oo pámé ehnííñevúré ávyétá ímityuúbe.

16 Áróóbedíi óhdi Píívyéébe ídáátsóvéne oke ímíjpyetésó muhdú pámeere ímityúmé íjcyarómeke iwáyyune tajtyééveri iúújétsoki. Áánetu méwaajácú pámeere ímityúmé íjcyarómé Críjtoke icyáhújtsócooca újcuíñé mújyú ídsíjívéjúcúoóítyúne bóhi.

17 Áánéllii metsu Píívyéébe apáábyéré íjcyabe mújyú muhdú íjcyáítyuube pane wáajácúúbeke maávyéjútsohíjcyá maájtyúmitúróóbeke. Ehdu teéne.

18 Ahdícyane Llihú Timotéoj, imíchi díícyáne íhnáhóóróné pañe ímíñeúvú tsaííbuwáaré díícyáne dúwááboco Píívyéébé ihjyúvúu uke o níwaavéné muhdúhjáa ménahbémú dííbyere túkévéjtsóneri úhdityu néhijcyádu.

19 Muurá tsaate ímí íjcyáiyóné wáajácújúcoorómé tehdu íjcyane ímíllehíjcyátúné níjcaúvú ílluréjuco tútáváávehíjcyáne. Ááne ílluréjuco Críjtodi ditye úúhívatéhíjcyáne.

20 Tehdúu Himenéomútsí Arejááadorómá dáríívémeíñéllí diityétsikye ó íhvejsó Naavéné hójtsí pañevú dityétsí iwáájacu Píívyéébeke múhdurá idyáríívehíjcyáne.

2

Muhdú Píívyéébema meíhjuváne

1 Aane uke o néé pámeere míamúnáá hallúvú Píívyéébeke piáábó ámuha métáúmeíhíjcyana panévá hallúvúré téhdújtsomé.

2 Múu táúmeíhíjcyana múhdumé méiíñújí avyéjunte íjcyámé hallúvú Píívyéébe diityéké piáábónej péévé ímí ditye meke ityúkévajtso tsaimíyé dííbyema meíjcyame maávyejúúlléjcatsíki.

3 Ehdu meíjcyane ímí íjtsúcunúúbé Mepájtyetétsoobe Píívyéébeé.

4 Muurá imíllebe pámeere míamúnáa dííbyé uwááboju icyáhjújtsóne pájtyeténe.

5 Muurá tsáápiiye Píívyéébe íjcyáhi. Áábemáa ímí meíjcyaiñé téhdure tsáápiiye mééma ímíbjachó Jetsocríjtó míamúnáájpidívú ípívyéévéenema.

6 Muuráhjáa wájuryumeítyuubéré dsíjívé pámeere míamúnáa ípájtyeté Píívyéébéé dííbyeke nééne éévé úújetétsihvu.

7 Áané uwáábojúu jodíómú íjcyátúrómeke úwááboobéré o péhíjcyana oke díbye pícyoobe íñe ó úwáábohíjcyá teene mecáhjújtsómé mepájtyeténe. Ehdu íñe uke ó nehíjcyá ímiáánéjuco íjcyane Jetsocríjtó cahjújtsó múnájpi o íjcyánéllííhve.

8 Áánéllii uke o nées pahúllevaré íjcyáné cahcújtso múnaa ímiááméré íjcyáne íínevú táhjajcatsítýmé tsaímíyé Píívyéébema íhjíyúvahíjcyá íhyójtšine cáámevu ííhbúcnema.

9 Aane walléémú waajácutábaré ímíbájkímyeíiyáhi. Tsá ditye mítyane áhdómeíyahjívú íújcámeíñe páhduvaré íhñíwauúné idyáíívéne ícyáávéíturó téhdure mítyane áhdómeíñe icyáávevu.

10 Píívyéébedívuré ííhvéjtsámeíñe díbye ímillédúré íjcyáiyóme.

11 Aame dííbyé uwááboju íávyejúúlléne cúúvéhulléré lleebúcnúiyáhi.

12 Tsá muurá walle úwáábóíturóne. Áhdure tsá dille wájpiikye ityáhjálléne dííbyeke túkévéjtsóíturóne. Áánéllii o nées walléémú cúúvéhulléré íjcyá pihcyáávé pañe.

13 Muuráhjáa Píívyéébe tujkénú Adáake íípívyéjtsóné boone Éébáke ípívyejtsóhi. Ehdu néénéllii tsá walle wájpi túkévéjtsolle íjcyáíturóne.

14 Tsáháa muurá Adáa Naavénedívú állítsámeítýúne. Muuráhjáa ihdyu Éébáre íállítsámeíñéllii ímityúné meenúhi.

15 Ehdu néénéllii muurá walle itsímáváneri ícúbáhrámeíhíjcyáhi. Árólleke ihdyu Píívyéébe pájtyetétsoo dííbyeke icyáhjújtsóne dille ímiáálléré íjcyáhajchííjyu.

3

Muhdú cahcújtso múnáa uwáábojte íjcyane

1 Áánetu cahcújtso múnáá uwáábojte tsaate ijcyane ímilléhajchíí tehdújuco ímiá wákimyéí ijcyane ditye ímilléne.

2 Árónáa ihdyu téené wákimyéí méénume íinetú néétsámeityúmé panévatúré ímiááméré ijcyáne úwáábóiyáhi. Aame tsáápíllekére táábáváiyáhi. Áhdure tsaímíyé íaahíve múnáake waatsúcúpétsohíjcyáiyóme.

3 Aame tsá lílyícyávéityuróne. Tsá ditye tsaatémá úhbájcatsíityuróne. Tsá mítyane ídsíídsíváiyóneri ditye íjyácunúityuróne. Ímiááméré ijcyáne píáábóiyá pamévakéré ídaatsóllénema.

4 Áhdure píivyétyíyómé méwámyuma ítsíímeke ímíñeúvú ityúkëvejtsóné ditye ímiááméré ijcyáne pamévakéré íávyejúúlleki.

5 Muurá ítsíímeke ityúkëvejtsóné píivyetétúmé tsá Píivyéébé cahcújtso múnáake túkévéjtsóíityuróne.

6 Áhdure botsíi béhnére cáhcujtsómé tsá uwáábojte íjcyáíityuróne. Muurá béhmérei íjcyame tsáijyu múúne íllure ímítýájkímýeíñeri tútávájtsámeíiyá muhdúhjáa Naavéné tútávájtsámeídyu.

7 Áhdure panévatúré ímiááméré íjcyáiyá cahcújtso múnáa íjcyáturómé díityéké íávyejúúlleki. Áijyu tsá íínej téeverí Naavéné díityéké ícyánejcúvú lííúcúíityuróne.

Muhdú túkevjtsojte íjcyane

8 Téhdure idyé túkevjtsojte ímiááméré íjcyáiyá pame díityéké íávyejúúlleki. Tsá ditye

állíúúítyuróne. Áhdure tsá ditye llíyícyávéítyuróne. Tsá ditye átéréénéhjí hallúvú dsíídsíváítyuróne.

⁹ Tsá ditye íínetú néétsámeíítyuróne. Aame íñe mecáhcújtsonéjccú ímíñeúvú waajácúiyáhi.

¹⁰⁻¹³ Áánéllii múu tujkénú diityéké tsáneeri waajácullé ímí ditye méénúhajchíí botsíi diityéké téené wákimyéivu ipícyoóki. Aame tsáápíllekeré táábáváiyáhi. Téhdure piivyétéiyómé méwámyuma íítsíimeke ímíñeúvú ityúkëvejtsóne. Áhdure méwamyu panévaturé ímiááméré íjcyáiyá ditye diityéké íavyejúúlleki. Tsá ditye állíúúnújcatsíítyuróne. Ehdu muurá tsaimíyé téené wákimyéi múnaa íjcyámeke pame avyējuulléhi. Aame ihdyu Jetsocriítoke icyáhccújtsóné uwááboju éhniíñevu íínerí núhnévetúmé úwaabóhi.

Muhdú néjijo meúraavyéne

¹⁴⁻¹⁵ Aane lléváhréjuco uke o ááhívetéiñe. Áronáa ihdyu tsáijyu múúne íícúí o péétúnéllii íñe uke apáhajchíí ó nehíjcyá muhdú Píivyéébeéjté íjcyame dííbyé uwááboju íhvéjtsotúmé úráavyehíjcyámema u íjcyaiñe.

¹⁶ Muurá íñe meúraáavyehíjcyajíjtó ímiááné íhtsutúné íjcyánéllii íllu nééneé:

Píivyéébé méhdivu bóhówaavé míamúnáájpidívú íípívyéévéenema. Aabée ímiáábé íjcyane íapííchó bóhówátsohíjcyáhi. Áábekée níjkyéji múnaa íícúvehíjcyáábé uwááboju pámehdíyé tsújaavéné cáhcujtsóme. Átsihdyúu tsiíñe peebe íavyéjuvu níjkyejívu.

Ehdu muurá nééneé.

4

Píivýéébe icyáhcujsóné tsaate ihvétsoíñe

¹ Aane Píivýéébe Íapííchoj tééveri meke boohówáwu nehíjcyá páneere tsíhdyuréjuco cápáyóóovéíñe ihde nihñéétsihvúré tsaate dííbyeke icyáhcujsoróné ihvéjtsóne naavéneéjté átéréenéhjí úwaabóneréjuco úráávyéíñe.

² Aame ílluréjuco mújtaíñe eene íjtsaméiúvú wáájácúmeítyúmé pánehjídú ímiáámeúvúdú úwáábohíjcyáné icyáhcujsónema.

³ Muurá téeméjtéjuco úwáábohíjcyáné metáábávájcatsíñe ímityúné íjcyane. Áhdure tsáneetsa majchóháñe ímityúné íjcyane nehíjcyáme. Áronáacáa muurá Píivýéébe páneere majcho ípívyejtsó dííbyé cahcujtso múnaa meíjcyame téene tájpi meíjcyáné hallúvú dííbyeke metéhdútsohíjcyaki.

⁴⁻⁵ Muuráhjáa páneere tsaímíyé ípívýéjtsoóbe. Áánéllii téene tájpi meícyahíjcyánéhjitu tsáneetsa tsá múhdurá meíjtsúcunúityuróne. Muurá panévare dííbyedívú ímí néénéllii ténehji méóóovéiyá dííbyeke téhdújtsomére.

Muhdú uwáábojte íjcyane

⁶ Ehdu íñe uke o úwaabóné ménahbémuke ímí u úwáábóhajchíí ímiááné Jetsocríjtó wákimyéi múnáajpi ú íjcyaaáhi. Aabe dííbyedítyú íjcyáné uwááboju u cáhcujtsóné ímí u úráávyéhajchíí éhnííñevu ímí ú íjcyaaáhi.

⁷ Áánéllii éhniíñevu ténejcúrí pííñuméí ímíñeúvú u wáájácuki. Tsá múu íícúvetú átéréenéhjí íhdityuré iújcune tsaate úúbállehíjcyánéhjiri.

⁸ Muurá íinetú meke píáábóityúnéllii meíhnáho méjpi mépiiñúhi. Ááné ehniíñevu muurá panévatúré meke píaabóné Píívyéébé icyánéjcuri mepííñúmeíñe. Muurá meke píaabóné ííñújí hallúrí meíjcyánetu. Téhdure meke píáábóné dííbyema tsaímíyējuco meíjcyáíñetu.

⁹ Ehdu íñe uke ó nées ímiááné íjcyane. Aane ihdyu óví pámeere cáhcujtsóhi.

¹⁰ Muurá méwaajácú íñé imíjyaú tsaímíyé Mepájtyetétsoobe Píívyéébema meíjcyáiñé dííbyeke mecáhcujtsóme. Áánéllii muurá nehníwu méhdityu míamúnaa íhjuúvahíjcyámé panévariyé meícúbáhrámeiyóné pañe téené wákimyéí méméénuhíjcyáhi.

¹¹ Aane páneere íñe uke o néhíjcyanééhjí óví ú úwaabóhi.

¹² Áronáa ihdyu uke tsíiménééelledímyé ováhtsaré u íjcyáabeke. Áánéllii uke o nées cahcújtso múnáake u úújétso muhdú múúne ímiáábé Críjtó cahcújtso múnáajpi íjcyadu u íjcyáneri, u úwáábóneri, pamévakéré u wájyúneri, panévatúré ímiáábé u íjcyáneri.

¹³ Áámema íñe ílle o íjcyané hajchótá Píívyéébé waajácuháámí déhvéne dúwáábohíjcyá tsápíjtsoobére.

¹⁴ Aabe ihdyu ímíñeúvú méénuhíjcyá Píívyéébé uke ájcúné waajácuri íñá u méénune u píívyeténe.

Muuráhjáa dííbyere túkévéjtsóneri cahcújtso múnáa túkevéjtsojte díhyallúvú íhyójtsine ipícyóóne dííbyeke piáábó táúmeíñe tujkéveri téénevu uke ájcuúbe.

15 Áané wákimyéi ihdyu ímíñeúvú méénuhíjcyá pámeere iwáájácu ténejcu ímí u úraavyéne.

16 Áanéllii uke o néé u úwáábohíjcyánéjcutu panévatúré ímíñeúvú u téhmémeíñe tsaímíyé ténejcu u úráavyeki. Ehdu u íjcyáhajchíí ámuha tsaméhjí mépájtyéteé múhdumé díuwaábó illéébone cáhcújtsómema.

5

Muhdú cahcújtso múnáama meíjcyane

1 Aabe múu kéémeke díícyáánidyu íjtsúcunúne ímíñeúvú chooco túkévejtsóhi. Tsá múu uhbádúré túkévéjtsotúne. Áhdure ováhtsámuke díñahbémúdú díjtsúcunúne ímíñeúvú túkevéjtsó.

2 Kéémélleke díítsíjjudu díjtsúcunúne ímíñeúvú túkevéjtsó. Bádsíjcake díñaallémúdú díjtsúcunúne ímíñeúvú túkevéjtsó ímityúné diityédítúú íjtsámeítuubére.

3 Téhdure pílbájujteké piáábó tééne tájpi dítye íjcyáiñetu.

4 Áánetu íítsíímema íaachímuma íjcyámeke óví diityéré piáabó cáánímutsíi diityéké píívyétsóne áhdódú ííwane. Ehdu nééne Píívyéébe ímí íjtsúcunúhi.

5 Áánetu ímíáané iiye íjcyané pílbájuulle óví Píívyéébedívú icyátsípáávéne paíjyuvaré piáábó táúmeíhijcyá díbye díílleke ipíááboki.

6 Áánetu ímillédú íjcyáné piibájjulle ímityúné méenuhíjcyálleke tsá múu píáábotúne.

7 Íllu íñe uke o nehíjcyanéhjí páneere duwáábó cahcújtso múnáake ditye íínetú íñéétsámeítyuki.

8 Muurá tsaate ihyájkímuke íñahbéjteke ipíáábóiyóné ímíletúmé tsá ímiá cahcújtso múnaa íjcyatúne. Ímityúmé diitye cáhcújtsótúmé ehniíñevu.

9-10 Téenélii mépíáábohíjcyá píibájjujte walléemudítúyú tsúúca 60 pijcyábájuco íjcyame ímiááméré íjcyánetu bóhówaúcunúmeke, tsáápiikyéree tájívameke, tsaímíyée ítsíimeke píívyétsómeke, íaahíve múnáake tsaímíyé wáátsúcu híjcyámeke, cahcújtso múnáake píáábohíjcyámeke, tsaatéke kímóhcó nénehji pájtyémeke píáábohíjcyámeke, ímiáánéré méenuhíjcyámeke. Éhdu ícyahíjcyáné piibájjujtékéré múu píaabóhi.

11 Áánetu badsíjcáíchóméhjiúvú néené piibájjujtéké mépíáábodí tsáijyu múúne bañúháñé ámuha mepíáábohíjcyánáa tsiíñe ityájíváne tútávaavémé Críjtoke ícyáhjújtsónetu.

12 Aame téeneri ityútáváávéhajchíí íhyallúvúré ímityúné meenu téené déjúcotu iwágóóóveíñe ípyée íñéhdú íjcyátúnéliíhye.

13 Muurá téeméjté jááháñeri pehíjcyá tsíijyatúrjúco óvéhe múnaa íjcyame. Aame tsíjtyedi íhyúvaméré pehíjcyá átéréenéhjí úbálléjcatsímyére.

14 Áánélii o néé ditye ityájíváne ítsímávámeke tsaímíyé ityéhme múha diityédítúyú íná ííhyúvátuki.

15 Muurá tehdu néené piibájujtedítýú tsaatétsáhjí Críjtoke icyáhcujsóné ihvéjtsóne Naavénekéréjuco úraavyéne.

16 Ahdícýane ámuha cahcújtso múnáadítýú ámúha hájkímú piibájujte íjcyáhajchíí múu iiye píaabó tsíjtyedívú tájpityúme. Áánetu ihyájkímuma íjcyátúmeke múu pámeere cahcújtso múnáa píaabóhi.

17 Áhdure múu túkevjtsojtemá uwáábojtéké avyéjuulléhi.

18 Muurá Píívyéébé waajácúháámitu nééené: “Tríígó tátsoújcori íjcyáábeke ócájikye tsá múu tsíménevu íhju wátájcotú díbye imájchótuki.” Áhdure nééené: “Wákimyéi múnáajpi íwákimyéi áhdó ujcúhi.” Ehdu nééne Píívyéébé waajácúháámitu.

19 Téhdure uke o nées tsaapi cahcújtso múnáa túkevjtsoobe tsáijyu múhdurá íjcyane tsáápiye dííbyé hallúvú úúbálléhajchíí tsá múu íícúvetúne. Áánetu ihdyu míityétsíuba pápihchúúmeváuba úúbálléhajchíí múu íícuvéhi.

20 Múu pámeere cahcújtso múnáa húmíj pínévú íhnáhóónécoba úwaabó ímityúné imyéénuhíjcyané íhvejtsópityúmeke tsijtye téeneri íñúhnévéne tehdu íjcyátuki.

21 Aane íñe Píívyéébeé, Ávyéjuube Jetsocríjto, níjkyéji múnáa, íjcyámé húmíj pínévú uke o níwaavéné tsáma ímíñeúvú dúwáábohíjcyá múhdí núhnévétuubere.

22 Áronáa ihdyu tsá múu tsaatéké peecutére méménutú cahcújtso múnáa túkevjtsojte ditye íjcyaki. Muurá peecutére tsáijyu ímityúme

Íjcyámeke u méménúhachíí tsaate uke ñjtsúcunúiyá téhdure ímítyuube u Íjcyane. Áánéllii uke o néé panévá ímítyunéhjitu u téhmémeíki.

²³ Áánetu eene díhbáu uke ávyéneri u chémehíjcyánéllii uke o néé áyánéwu bíínójpácyotu u ádo uke tene ñpíááboki. Tsá múu tsanééré nújpacyo ádotúne.

²⁴ Muurá tsaate ímityúné méénune tsá téévetú diityémái tene ímíbájchómeítyúrónááca. Áhdure tsíñehji wáájácúratúné Íjcyaróné páneere ímíbájchómeícyoooca bóhówááveéhi.

²⁵ Muurá ímiánéhjí meméénuhíjcyáné tsá téévetúne. Áhdure tsíñehji wáájácúratúné Íjcyaróné bóhówááveéhi.

6

¹ Áánéllii múu tsaaté hójtsí pañe Íjcyame ímíñeúvú diityéké panévatúré avyéjuullé ímityúné Píívyéébedítyú múha íihjyúvátu muha meúwáábohíjcyánetu.

² Ahdícyane tsaaté avyéjujte cahcújtso múnaa Íjcyáhajchíí múu avyéjuulléhi. Tsá ditye cahcújtso múnaa Íjcyánéllii ávyéjúúllétumé Íjcyáítyuróne. Awáá tsame Íjcyame múu ímíñeúvú píáábójcatsíhi. Muurá cahcújtso múnaa meíjcyame mewájyújcatsíñe tsaímíyé mépíáábójcatsíiyáhi. Ehdu íñe uke o néhíjcyanéhjí dúwáábohíjcyá.

Píívyéébeke meúraavyéne

³ Muurá Máavyéjuube Jetsocríjtó uwááboju ímiáájú meúraávyéné tsíjijtoríyējuco tsaate úwáábohíjcyáne.

4 Ehdu úwáábohíjcyámé atéréejte íjcyame íñéubará wáájácúturómé íllure téeneri imítýájkímyeíki. Áámé ííbúwari muurá tsaanééré atérééené íjtsaméí íjcyame táhjácatsíhijcyá ténéhjiri. Áámedítýú ímichi dóhéjúúvehíjcyáné imítýunéhjí íjcyane nómítááva, úhbajcátsi, áábojácátsi, tútávátsojácátsi.

5 Aame ímiáájú wáájácútmé méénúcatsíhijcyá íjtsaméí wáájácúmeítýúme. Aame itsúcunúhijcyá téené hallúvú medsíídsíva meúwáábohíjcyáné Píívyéébé uwááboju. Tsá múu ehdu néémedívú náhbévatúne.

6 Muurá ihdyu íñe méhdi íjcyadúnéwúuma tsíñéhjiri íjtsámeítýúme tsaímíyé Píívyéébeke meúráávyeíjtó meúraavyémé nihñéétsihvúré íñe imíjyaú méíjcyaaíhi.

7 Tsáháa muurá ehnémá ííñujívú metsíímávámeítýúne. Áhdure medsíjívécoca tsá íñá metsájtyetúne.

8 Áánéllii múu téene tájpíjyuco memájchoma méwajyámuma, meíjcyane, ímí íjtsúcunú tehjújuco.

9 Muurá éhnííñevúré íéhnéváíyóneri tsúúrameíhijcyámé tsá áábúcutú panévá umúúpi. Aame éhnííñevu ídsíídsíva atéréenééhjí wákímyeíhijcyámé ílluréjuco tútávaavémé téené níjcaúvú wágóóóveéhi.

10 Muurá medsíídsíváíyóneríyé meíjyácunúhíjcyánetu ímichi tsááne panévare ímítýúne. Muurá tsaate Píívyéébeke cáhcujtsójúcoorómé téeneríyé íjyácunúhijcyámé

ílluréjuco teene íhvejtsóne. Aame ídátsó ijcyáhi.

Tsaímíyé mecáhcujsóne

¹¹ Áánetu ihdyu tsúuca Píívyéébeéjpi u íjcyaaabe tsá múu téeneri íícúvetúne. Ímiáábéré díícyáne ímíñeúvú dííbyeke mecáhcujsójíjtó duráávyé. Ááne pamévakéré wajyu. Aabe panévaré ímítyunéhjí uke pátyehíjcyáronéhjí ímiáábéré díícyáne daabúcu híjcyá. Tsá múu ‘mityáhmítýá’ néétune.

¹² Aabe ímíchi díícyáne íínevú táhjátsámeítýuubéré ímíñeúvú Máavyéjuube Jetsocríjtoke cahcújtsó mújyú medsjívéjúcóóítýúne bóhí u újcuki. Muuráhjáa téenélii Píívyéébe uke ujcúhi. Áábeke ímí u cáhcujsóné tsúuca mítýame waajácúhi.

¹³⁻¹⁴ Ahdícyane ícyooca dííbye tájpi páneere íjcyaaabe Píívyéébe húmíj pñnévuu, éhnée Póótsio Píráátó úmíwávú íhtsútuube íjcyane úúbállémeíbyé Jetsocríjtó húmíj pñnévuu, íjcyane uke o néé íñe muhdú uke o néhíjcyádú u úwáábohíjcyá íínetú néétsámeítýuubéré mújyú tsiíñe díbye tsááíñévújuco.

¹⁵ Muurá Píívyéébe páñétúejpi íhtsútujte ávyéjajte íjcyároméhjí avyéjuube íjcyaaabe Críjto tsááíñe éévé úújetécooca wálloó dííbyeke.

¹⁶ Aabe apáábyéré Píívyéébe íjcyá muhdú íjcyáítýuúbe. Áábé ámítsaráhcovu muurá tsá múha pñhívéítýuróne. Áhdure tsá múha dííbyeke ájtyúmíítýuróne. Áábeke ihdyu metsu íhtsútuube

Íjcyáábeke medúúrúvahíjcyá múijyú níjkéváityúne. Ehdu teéne.

¹⁷ Ahdícyane ícyooca uke o néé téhdure ehnéva múnáake u úwááboki. Tsá ditye ítsiéméné múhajchótá íjcyáíñevújíí icyátsípáávéne mítyájkímyeíityuróne. Píívyéébe ímíáábé íjcyaaabe íínetú meke píhtótsótúúbedívúré cátsípáávéiyóme.

¹⁸ Dúwaabo diityéké íéhnevádú íjcyame tsaate píhtóméhjike ítsiéméneri ípíáábóíyóneri ííjtsámeíki.

¹⁹ Áijyu muurá panévatúré tsaímíyé íjcyámé úmíwa ííné ímíjyaú nééme újcúiyá múijyú ídsíjivéjúcóóítyúne bóhi.

Timotéoke Páávoró téíbúwajtsóne

²⁰ Ahdícyane uke o néé Timotéoke Píívyéébéé uke níwáávéné wákimyéí ímíñeúvú u méénuki. Tsá múu íícúvetú átéréenéhjí íjienéré íjcyane míamúnaa íwáájácúneri táhjácatsíhíjcyáneri.

²¹ Muurá ténehji íúráávyéne tsaate tsáhájuco Píívyéébeke cáhcújtsotúne. Aabe ihdyu óví uke píaabóhi. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48